



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. I. Plures libertatis acceptiones, seu divisiones, variique Hæreticorum errores referuntur?

---

[urn:nbn:de:hbz:466:1-77355](#)

## ARTICVLVS PRIMVS.

*An in statu innocentiae, & nature lapsæ,  
libertas indifferentie in homine  
reperiatur?*

## S. I.

*Plures libertatis acceptiones, seu divisiones,  
varique Hæreticorum errores referuntur.*

**O**PORTET prius nominum similitudines, quasi ramos obviantes abscindere (inquit Cassiodorus) ne semitam disputationis nostra vocabulorum consonantium sylva, umbrosis imaginibus videatur intexere. Unde quia libertas variis significationibus minus propriè & latè dicitur, seu quia multiplex libertatis genus, sub ejusdem nominis velamine latet, velum hoc libet paululum attollere, & varias libertatis acceptiones seudivisiones breviter explanare.

Prima & generalis libertatis divisio est, in libertatem naturæ, gratiæ, & gloriæ: quam eleganter prosequitur D. Bernardus in libro de gratia & libero arbitrio, his verbis: *Triplex est nobis proposita libertas, à peccato, à miseria, à necessitate. Hanc ultimo loco possumus conculcari nobis in conditione naturæ; in primam res aauramur à gratia; media nobis reservatur in patria. Dicatur ergo prima libertas naturæ, secunda gratia, tercia vita, vel gloria. Primo namque in liberam voluntatem, ac voluntariam libertatem conditi sumus, nobilis in Deo creatura: secundū reformamur in innocentiam, nova in Christo creatura: tertio sublimamur in gloriam, perfecta in spiritu creatura. Prima ergo libertas habet multum honoris; secunda plurimum etiam virtutis; novissima cumulum jucunditatis.*

Deinde libertas naturæ subdividitur in libertatem spontaneitatis, seu complacentiæ, & in libertatem indifferentiæ, seu contingentiæ. Prima dicit solam immunitatem à coactione seu violentia, ab agente extrinseco illata; & hanc habet voluntas in omnibus actibus elicitis, etiam necessariis, ut sunt volitio boni in communi, amor beatificus, &c. quia ut disputatione præcedenti ostendimus, per nullam potentiam potest inferri violentia voluntati in actu ab ipsa elicito, juxta illud Anselmi lib. 2. de libero arbitrio cap. 6. *Invitus nemo potest velle aliquid, quia non potest velle nolens velle.* Secunda non solùm importat immunitatem à violentia & coactione, sed etiam à necessitate absoluta, seu determinatione ad unum per modum naturæ, & dicit potentiam, seu facultatem ad opposita, sive contraria, sive contradictioniæ. Unde dividitur in libertatem contrarietas, & contradictionis, seu specificationis & exercitii. Una dicit facultatem ad actus contrarii oppositos, ut amorem & odium, prosecutionem & fugam: altera ad actum, & negationem vel cœfationem ejus, ut ad velle vel non velle, agere vel non agere &c. Mitto aliud genus libertatis, que scilicet dicit immunitatem à servitute, alterius hominis dominio addicente, que dicitur libertas civilis: de qua Jurisperiti in institut. de jure personarum, & ff. de statu hominis l. cum igitur, & sequentibus.

*Hic ergo solùm agimus de libertate indiffe-*

A rentiæ, & inquirimus an illa in statu innocentiae, & in statu nature lapsæ in homine reperitur? Quam difficultatem excitavimus ad confutandum diversos Philosophorum Gentilium, & Hæreticorum errores, qui ad quatuor præcipua capita reduci possunt.

Primus est Stoïcorum & Astrologorum, qui voluntatem nostram & ejus actus fati determinationi subiciebant, nomine *fati* intelligentes seriem & influxum causarum naturalium, præcipue cœlorum & astrorum: qua de causa dicabant (ut testatur ex Aristotele D. Thomas) *Quæst. 6. de quod talis est voluntas in hominibus, qualem inducit Pater virorum Deorumque; id est, cœlum, vel sol.*

Secundus fuit Manichæorum, qui etiam libertatem defruebant, & dicebant homines ad malum necessitari; non ex influxu syderum, sicut Stoici & Astrologi, sed ex anima mala, ita secum animam hominis bonam abripiente, ut eam non nisi malum velle sineret. Unde ait Hieronymus in procœdio dialogi adverlus Pelagiinos, *Manichaorum esse hominum damnare naturam, & liberum auferre arbitrium.*

Tertius est error Calvini & sequacium, qui denegant nostris actibus libertatem, propter motionem, seu gratiam, quâ Deus applicat voluntatem ad agendum; quam existimant ita esse efficacem, ut omnem dissentienti potentiam in voluntate creata absorbeat & consumat; subinde voluntatem sub divina motione non retinere absolutam dissentienti potentiam, sed puram spontaneitatem, seu immunitatem à coactione, minimè verò à necessitate. Qui error à Tridentino less. 6. can. 4. his verbis proscribitur: *Si quis dixerit liberum arbitrium, à Deo motum & excitatum, nihil cooperari, &c. neque posse dissentire si velit, &c. anathema sit.*

Quartus denique error est etiam Calvini & Lutheri, qui concedunt quidem hominem in statu naturæ integræ prædictum fuisse libertate, aiunt tamen perdidisse illam per peccatum; nec dicendum jam esse arbitrio liberum, sed peccati servum, solumque libertatis nomen vacuum ad nos transisse, ut latè scribit Roffensis art. 7. contra Lutherum: quem etiam errorem damnat Tridentinum fessione citatâ can. 5. ubi ait: *Si quis liberum hominis arbitrium post Ad peccatum amissum & extinctum esse dixerit, aut rem esse de solo titulo: in titulum sine re &c. anathema sit.*

Ex quibus liquet, plures posse distinguere necessitates libero arbitrio repugnantes, nempe Stoicam, seu fatalem, Manichæam, & Calvinisticam: quæ in hoc convenient, quod omnes actus & tam validè hominem ad operandum determinant & constringunt, ut in eo non relinquant potentiam ad oppositum: differunt autem in causa à qua proveniunt; prima enim à syderum influxu; secunda à principio malo, vel anima mala, secum animam hominis bonam abripiente; tercia ab efficacia divinæ motionis, aut à peccato primi parentis, procedere dicitur. His præmissis, sit

## S. II.

*Prima pars questio resolvitur, & ostenditur hominem in statu innocentia habuisse libertatem indifferentiam.*

**D**ico primum: Homo in statu innocentiae fuit liber libertate indifferentiae.

Probatur